



Republika e Kosovës - Republika Kosova - Republic of Kosovo

Komisioni i Pavarur për Miniera dhe Minerale
Nezavisna Komisija za Rudnike i Minerale
Independent Commission for Mines and Minerals



Në pajtim me nenin 51 nenin 59 paragrafi 1 dhe nenit 62, të ligjit 03/L-163 për Minierat dhe Mineralet, si dhe nenin 31 të Ligjit Nr.04/L-158 për Ndryshimin dhe Plotësimin e Ligjit nr.03/L-163 për Miniera dhe Minerale, Bordi i Komisionit të Pavarur për Miniera dhe Minerale në mbledhjen e mbajtur më 03.03.2016 nxjerr këtë:

UDHËZIM ADMINISTRATIV

(KPMU UA. NR. 04/2016)

PËR SHTYRJEN DHE PËRJASHTIMIN E PAGESES SË RENTES MINERARE

Neni 1 Qëllimi

1.1. Me anë të këtij udhëzimi rregullohet dhe përcaktohet mënyra e pagesës së rentës minerare për të gjitha ndërmarrjet të cilat posedojnë licenca për shfrytëzimin e mineraleve. Gjithashtu, me anë të këtij udhëzimi përcaktohen procedurat brenda KPMU-së se si duhet të procedohen të gjitha rastet me rastin e aplikimit nga çdo bartës i licencës se shfrytëzimit për shtyrjen dhe programimin e borxhit, procedimin dhe afatin e shtyrjes së pagesës.

Neni 2

Kriteret dhe e drejta për hyrje në Marrëveshje

2.1 Çdo bartës i licencës ka të drejte të beje kërkesë për shtyrje të afatit të pagesave, përkatësisht programimit me këste të obligimeve për rente minerare.

2.2 Drejtori i KPMU-së mund të aprovoj shtyrjen e afatit dhe përjashtime sipas ligjit të minierave dhe mineraleve në pajtim me nenin 51 të ligjit për Minierat dhe Mineralet.

2.3 Bartësi i Licencës për shfrytëzim mund të aplikojë në KPMU për një autorizim për shtyrjen e pagesës së një rente minerare, nëse para përfundimit të periudhës për të cilën duhet paguar rentën minerare, kufiri operativ i parave të gatshme është nën zero.

Rr. Armend Daci Nr.1
Prishtinë, Kosovë
Tel: +381 (38) 240 252
Fax: +381 (38) 245 844
E-mail: ICMM@kosovo-mining.org
Web: www.kosovo-mining.org

Kuvendi i Kosovës
Skupština Kosova
Assembly of Kosovo

Neni 3

Kërkesë për hyrje në marrëveshje

3.1 Bartësi i Licencës kur aplikon në KPMM për shtyrje të pagesës së rentës duhet që kërkesës t'i bashkangjes:

3.1.1 Pasqyrën e të ardhurave për vitin paraprak.

3.1.2 Pasqyrën e të ardhurave me prerje ne datën e aplikacionit për shtyrje te pagesës së obligimit ndaj rentës minerare

3.1.3 Gjendjen e te gjitha llogarive ne emër të subjektit që aplikon për shtyrje të pagesës së obligimit ndaj rentës minerare

4.1.4 Pagesën e cila kërkohet sipas këtij udhëzimi

3.2 Komisioni kërkon një pagese fillestare deri 30% te borxhit te tërësishëm si kusht për hyrje ne marrëveshje.

3.3 Çdo kërkesë për shtyrje ose programim te borxhit duhet te shqyrtohet nga një komision ad-hoc (brenda departamentit të Financave) i propozuar nga udhëheqësi i Departamentit të Financave i miratuar nga Drejtori i KPMM-se.

Neni 4

Afati i shtyrjes së rentës minerare

4.1. Bartësi i licencës lidhur me rentën minerare ka te drejtë të hyjë në marrëveshje për obligimet të parapara sipas pikës 2.1 te këtij Udhëzimi Administrativ.

4.2. Bartësi i licencës ka të drejt të hynë në marrëveshje edhe për obligimet që i krijojnë në vitin aktual.

4.3. Kur paguesi dëshiron marrëveshje për periudhë më të gjatë se dymbëdhjetë (12) muaj, interesi do të vazhdoj të rrjedhë gjatë kohëzgjatjes së marrëveshjes.

4.4. Afati i kohëzgjatjes së marrëveshjes nuk mund të jetë më i gjatë se 36 muaj (3 vite).

Neni 5

Aprovimi i kërkesës për hyrje ne marrëveshje

5.1 Nëse Komisioni konstaton se margjina e shpenzimeve të parave të gatshme e personit të pajisur me licencë është më e vogël se zero në mbyllje të periudhës në fjalë, Komisioni mund të autorizojë shtyrjen e afatit të rentës në tërësi apo pjesërisht, në përputhje me nenin 51 te LMM-se.

5.2 Nëse komisioni vendos për shtyrje te afatit të pagesave, pra i lejohet programimi deri ne një periudhe prej dymbëdhjetë muaj (12 muaj) atëherë ndërmarrja duhet të paguaj dhe të sjell

dëshminë e pagesës fillestare prej 30% te totalit te borxhit për rente minerare, varësisht nga vlerësimi i komisionit.

5.3 Aprovimi i shtyrjes së pagesës se rentës do të akumulohet së bashku me të gjitha obligimet e mëparshme të rentës minerare;

5.4 Gjatë shqyrtimit te kërkesës Komisioni mundet te kërkoj dokumente shtese dhe ta këshilloj ndërmarrjen për kompletim te dokumenteve.

5.5 Komisioni vendos dhe përcakton edhe greis-periudhën e cila nuk mund te jete me e gjate se tre muaj.

5.6 Hyrja ne programim të borxhit duhet te behet për secilin numër të regjistrimit te deklarimit te sasisë se shfrytëzuar.

5.7 Pas aprovimit të shtyrjes se afatit te pagesës atëherë Departamenti i Financave do ta përgatis formën dhe do ta regjistroj ne softuerin e te hyrave.

5.8 Interesi aplikohet për borxhet te cilat janë krijuar pas hyrjes ne fuqi të Vendimit te Bordit te KPMM-se te datës 16.12.2013 për caktimin e interesit, pika 3 nga date 01 Janar 2014.

Neni 6

Detyrimet e paguesit të rentës minerare.

6. Paguesi i rentës minerare duhet të bie dakord të mbetet i rregullt në të gjitha detyrimet e tjera dhe ti kryej ato krahas marrëveshjes se nënshkruar, përfshirë kryerjen me kohë dhe saktësi të pagesave të tremujoreve dhe pagesave tjera nëse janë të aplikueshme sipas kushteve te licencës dhe ligjit në fuqi.

6.1. Nëse paguesi i rentës nuk i përmbahet një marrëveshje me këste, interesi do të ri-vendoset në mënyrë retroaktive deri në datën kur është nënshkruar marrëveshja. Nëse një pagues i rentës nuk mundet të përmbush obligimet sipas një marrëveshje me këste dhe dëshiron të rivendosë një marrëveshje me këste, marrëveshja me këste pasuese nuk do të përfshijë heqjen e interesit. Interesi do të vazhdojë të rrjedhë në çdo marrëveshje me këste pasuese për kohëzgjatjen e marrëveshjes.

6.2. Nëse bartësi i licencës nuk e paguan rentën minerare sipas afateve të kërkuara me ligj dhe akte tjera nënligjore KPMM përveç njoftimit për dështim në përputhje me nenin 9 të ligjit bazik, do të aplikoj edhe interesin për mos pagesë në kohë.

6.3. Shkalla e interesit do të bazohet në shkallën interesit të huadhënies së bankave tregtare në Kosovë, por duhet të jetë një minimum prej 0.5% në muaj më e lartë se ajo shkallë. KPMM përmes akteve tjera nënligjore do të përcaktoje një herë në vit, jo më larg se data 31 Dhjetor, ndryshimet në shkallën e interesit për vitin pasardhës.

Neni 7

Mos aprovimi i kërkesës për shtyrje të afatit të pagesës

7.1 Nëse Komisioni konstaton se margjina e shpenzimeve të parave të gatshme e personit të pajisur me licencë është me e madhe se zero në mbyllje të periudhës në fjalë atëherë kërkesa për shtyrje refuzohet.

Neni 8

Njoftimi i ndërmarrjes për vendimin

- 8.1. Brenda afatit 7 dite ndërmarrjes i jepet një përgjigje nga komisioni lidhur me aprovimin apo refuzimin e kërkesës.
- 8.2. Nëse nuk aprovohet bartësi i licencës njoftohet me shkrim duke përshkruar arsyet e mos aprovimit.
- 8.3. Nëse kërkohen dokumente shtese, ndërmarrjes mund ti kërkohen përmes telefonit e-mailit ose njoftimit me shkrim.

Neni 9

Dispozitat kalimtare

1. Me rastin e hyrjes në fuqi të këtij udhëzimi administrativ shfuqizohet udhëzimi (KPMM NR. 001/2013) i datës 18.01.2013.

2. Ky udhëzim administrativ hyn në fuqi 8 ditë pas publikimit në Gazetën Zyrtare të Republikës së Kosovës.



Musa Shabani
Kryesues i Bordit
Komisioni i Pavarur për Miniera dhe Minerale